



Broj: 01-04-25-96-1/23
Datum, 12.10.2023 .godine

ZAPISNIK
o održanom satu za građane

U skladu sa Odlukom o rasporedu održavanja sata za građane dana 11.10.2023. godine u sali Općinskog vijeća u zgradi općine u Klokočnici sa početkom u 12 sati održan je sat za građane.

Članom 4. Odluke o uvođenju sata za građane predviđeno je da satu za građane trebaju biti prisutni ispred predstavničke vlasti predsjedavajući ili zamjenik predsjedavajućeg Općinskog vijeća i zainteresovani vijećnici, a iz izvršne vlasti općinski načelnik sa pomoćnicima.

Odluka o održavanju sata za građane je dostavljena svim mjesnim zajednicama kako bi istu objavile na oglasnoj tabli i stavile na uvid zainteresovanim građanima, zatim svim općinskim vijećnicima, te na web stranici općine i oglasnoj tabli općine.

Satu za građane su prisustvovali Kemal Bratić, općinski načelnik, Nusret Dautović, predsjedavajući Općinskog vijeća, Omer Hadžić, savjetnik Općinskog načelnika, vijećnici Hasan Hasančević i Amir Mašić, Abdulah Hrnjičić, pomoćnik općinskog načelnika za prostorno uređenje i Ermin Mujkanović, predsjednik mjesne zajednice Brijesnica Velika.

Sat za građane je vodio Kemal Bratić, općinski načelnik.

Kemal Bratić, općinski načelnik: „Uvaženi prisutni sve vas selamim i pozdravljam i kao što znate ovo je sat za građane, ali nažalost nemamo ni jednog prisutnog građanina sa kojim bi mogli komunicirati o potencijalnim problemima na području općine Doboj Istok. Ja se nadam da će u nekom narednom periodu građani dolaziti na ove sate za građane, jer iako smo mi otvorena lokalna zajednica ja kao općinski načelnik, tako i pomoćnici općinskog načelnika i svi namještenici i službenici svakodnevno primaju građane naše općine i svakodnevno rješavaju sa njima zajedničke probleme, naravno ukoliko je to u našoj nadležnosti. Takođe želim istaći i da ovdje prisutni općinski vijećnici svakodnevno komuniciraju sa našim građanima, te takođe prenose općinskoj administraciji postojeće probleme sa kojima ih upoznaju naši građani. Ja otvaram raspravu ukoliko neko od vas ima nešto da doda.“

Amir Mašić, vijećnik SDA: „Da li postoji mogućnost da službe, evo najviše imamo dodira sa službom za prostorno uređenje, na zahtjeve neke koje uputi mjesna zajednica pismenim putem da nam odgovori da

znamo je li se šta poduzelo povodom toga ili nije? Da li služba za prostorno uređenje, geometar, može ako uputimo dopis da izađe služba da utvrdi lokalni put, među, koji planiramo sanirati da izađe i kaže ovo je lokalni put, jer je očigledno kada se izađe da su neki ljudi iznijeli ili smanjili širinu puta. Mi smo planirali uređenje jednog lokalnog puta i podnijeli zahtjev. Iz telefonskog razgovora sa Abdulahom ja sam pogriješio što sam tražio omeđavanje, a trebao sam tražiti pokazivanje međe. Ako ćemo se igrati riječi, onda ćemo se igrati. Da li se može ispred službe ili komunalne inspekcije, jer je u zadnje vrijeme primjetno da ljudi pored ceste postavljaju gume, postavljaju kamenje, postavljaju vrljike, odmah pored ceste a to je javna površina. Evo Selmir Škrebo građanin iz Male Brijesnice podnese zahtjev da se nešto uradi, vrata ga odavde idi u mjesnu zajednicu, a mi smo volonteri i ja nisam tamo od 7 – 3 sata. Ja moram ponovo njegov zahtjev kopirati i proslijediti zvanično. Valjda se treba zaprimiti zahtjev, pa da se reaguje, da se i nama pomogne, jer mi nemamo nikakvih nadležnosti tamo. Govorim zato što Dule poznaje situaciju sa tim Selmirom i građani konstantno zovu kada god je kiša iznosi se kamenje na put, rizla i sl. i dok je još Enes bio u službi ja sam podnosio zahtjev. Ne mogu ni ja više stignuti pravdati se građanima.“

Kemal Bratić, općinski načelnik: „Prije svega kada hoćete sanirati bilo koji put trebate tražiti suglasnost, jer je vlasnik svih lokalnih puteva općina Doboj Istok. Znači svaki savjet mjesne zajednice ako hoće da sanira treba da traži suglasnost. To je broj 1. Broj 2. svaki odgovor mora biti pismeno upućen i broj 3. vezano za izlazak, geometar mora izaći da vam pokaže i da utvrdi među. Ukoliko to ne bude tako bilo rađeno obavijestite mene. Ima li dalje pitanja? Ima li neko od vijećnika još da bi se uključio u diskusiju?“

Hasan Hasančević, vijećnik SDA: „Ja ću pokušati odgovoriti što se tiče Male Brijesnice i zahtjeva. Neću pravdati službu, ni sebe, ni geometra, ali ne može se pokazivati međa 5 km. Odmah u startu da znamo da ne može. Ako ćemo se ganjati kako treba onda moramo zvati i suvlasnike drugih parcela koje izlaze na put da pitamo jesu li oni za to kada mi završimo iskoličavanje da li se oni slažu sa pokazanim ili ne slažu. Do sada se izlazilo i za tog Selmira Škrebu i ja sam dva puta bio, čovjek ima problem, zatvoreno dvorište odozgo ogroman kanal, ne priča sa komšijom, bujica naiđe njemu u dvorište i istjera napolje. To je činjenica na terenu. On zauzbaci i vrati, a i sada je vratio i uz kraj sve stavio, što ne garantuje da sutra opet neće biti, jer čovjek se bavi time, ima firmu i hrpu sipine i šljunka na svom dvorištu i odatle vozi i prodaje. Evo još jedna informacija ja bih mogao raditi u Maloj Brijesnici kao matičar što radi u Velikoj po pitanju poslao, jer toliko je tih stvari neriješenih od ograda, od ovog, od onog i onda se to tako prepucava preko službe. Ja mislim da služba radi prilično dobro i izlazi se na teren i izlazi se u susret građanima. Prije svega služba je tu da radi za platu i mora se raditi. Ovo o čemu pričamo, znači 5 km ili 2 km ili 100 m to je jedan proces u koji treba da se uključi i pravobranioc i svašta nešto. Mi smo izlazili, vi znate načelniče, u Malu Brijesnicu pokazati na licu mjesta i bez pravobranioca i bez ovoga i bez onoga, onda bude problem i onda se ide i do suda.“

Kemal Bratić, općinski načelnik: „ Ukoliko nema niko više ništa zaključujem sat za građane i vidimo se, ako Bog da, sljedeći put.“

ZAPISNIČAR
Behara Hadžić
Behara Hadžić

OPĆINSKI NAČELNIK
Kemal Bratić
Kemal Bratić